

801—804? quisque, quid valeat, quo donatus sit talento, et laboret viriliter in eo, ut multiplici munere dignus habeatur in conspectu altissimi largitoris. Veniet enim quaerere pecuniam suam qui dedit. Cui rationem unusquisque pro se redditurus erit; studeatque^a, ut ei^b plenis bonorum operum manibus occurrat, qui rationem donorum suorum quaesiturus adveniet. Habeamus semper in praesentia iudicis iustitiam, examinis severitatem, meritorum retributionem: et non perdamus tempus misericordiae Deoque acceptabile.

cf. Ioh. 12, 35.

Dum lucem habeamus, curramus in luce, ne tenebrae nos adpraehendant. Quales fieri optamus ante tribunal Christi stantes, tales nos praeparemus viventes in hoc saeculo, quia haec peregrinatio nobis data est ad promerendam patriam sempiternam. Qui hic viriliter laborat in Christo, ibi feliciter regnabit cum Christo.

Vos divina gratia fortes efficiat in certando et felices in regnando, fratres carissimi.

304.

Alcvinus Carolo regi¹ breviarium supplicandi ad Deum dedicat. ?801—804.

Cod. Parisinus 2731 s. X. fol. 40—41', lib. quondam Turic., iam thesauri regi Monac. s. IX, de quo cf. W. Meyer Spirensen (Sitzungsber. der Münchner Akad. a. 1883 p. 424—436)^a.

Edd. Frobenius II, 52, J 244. — Migne CI, col. 509.

15

Beatus igitur David rex magnus et servus Dei altissimi nobis psallendi regulam dedit, qualiter per dinumeratas horas quaslibet homo ad Deum cottidie^b preces fundere debeat, ita dicens: 'Septies in die laudem dicam tibi'. Hoc est prima hora, secunda, tertia, sexta, nona, vespertina et duodecima. Per has itaque septem horas David rex laudem dicebat Deo, sed et sanctus Danihel propheta tertia et sexta et nona hora diei ad deprecandum Dominum ascendens in solarium suum expansis manibus ad caelum deprecabatur Deum pro se et pro populo Israhel. Sed et isdem rex David adhuc dixit: 'Et adiciam super omnem laudem tuam'. Proinde rursus ait: 'Media nocte surgebam ad confitendum tibi', id est, nocturna hora. Et iterum ait: 'Memor fui in nocte nominis tui, Domine', quod est gallorum cantus. Sic 'memor fui tui super stratum meum, in matutinis meditabor in te'. Hi sunt per noctes tres offitii cursus, et per diem septem: quibus iunctis^c simul efficiuntur decem, quos nos secundum decem verba legis Moysi sectantes cantamus^d.

Sed quia vos rogastis, ut scriberemus vobis breviarium comatico sermone, qualiter homo laicus, qui adhuc in activa vita consistit, per dinumeratas horas has Deo supplicare debeat: et licet vos, qui christiano ordine vivitis et christiana opera facere desideratis, non ignoratis, qualiter Domino supplicetur: sed quia rogastis, dicemus breviter quod sentimus. Cum enim de lectulo stratus vestri surrexeritis, dicendum vobis est: dic primum: 'Domine Iesu Christe, fili^e Dei vivi, in nomine tuo levabo manus meas, Deus in adiutorium meum', tribus vicibus^f cum psalmo: 'Verba mea', usque: 'Mane adstabo tibi'. Deinde, 'Pater noster', et preces: 'Dignare, Domine, die isto: perfice gressus meos: Benedictus Dominus die cotidie: dirigere et sanctificare digneris:

^a) studeatque scripsit J. pro steatque H. ^b) ei addidit J.

304. ^a) Lemma: In nomine Dei summi incipit scriptum Albinus magistri ad Karolum imperatorem P; Incipit praefatio huius libri M. ^b) om. P. ^c) aptis P. ^d) hic finit M. ^e) filii P. ^f) tres vitibus P.

1) Hauck (Kirchengesch. Deutschl. II, 139 n. 1) hoc breviarium Carolo regi iuniori dedicatum esse coniecit, sed res est admodum incerta. Cf. Vit. Alchv. c. 15 (SS. XV, 193): docuit etiam eum per omne vitae suae tempus, quos psalmos poenitentiae cum letania et orationibus precibusque, quos ad orationem specialem faciendam, quos in laude Dei, quos quoque pro quacumque tribulatione quemque etiam, ut se in divinis exerceret laudibus, decantaret. Quod nosse qui vult, legat libellum eius ad eundem de ratione orationis.